

四庫全書薈要

• 乾隆御覽本

集部

〔周〕庾信撰〔清〕倪璠注

庾子山集

欽定四庫全書薈要

集部

庚子山集卷首上



臣

王杰詳校

詳校官原任編修臣徐立綱

庾子山集目錄

卷首上

年譜

卷首下

北史本傳

原序

卷一



賦

卷二

賦

卷三

詩

卷四

詩

卷五

樂府

卷六

郊廟歌辭

卷七

表

卷八

啟

卷九

連珠

卷十

讚

卷十一

教

文

序

傳

卷十二

銘

卷十三

碑

卷十四

碑

卷十五

誌銘



卷十六

誌銘

臣等謹案庾子山集十六卷周庾信撰

國朝倪璠註信字子山新野人梁散騎常侍中書令肩吾之子元帝時仕至右衛將軍封武康縣侯加散騎侍郎梁亡仕魏為車騎大將軍儀同三司魏亡仕周為司宗中大夫大象初以疾去職周亡入隋卒於開皇元年考集

中辛威碑文稱開皇元年七月某日反葬河  
州則入隋幾一載矣信為梁元帝守朱雀觚  
望敵先奔厥後歷仕諸朝如更傳舍其立身  
本不足重其駢偶之文則集六朝之大成而  
導四傑之先路自古迄今屹然為四六宗匠  
初在南朝與徐陵齊名故李延壽北史文苑  
傳序稱徐陵庾信其意淺而繁其文匿而采  
詞尚輕險情多哀思王通中說亦曰徐陵庾

信古之夸人也其文誕令狐德棻作周書至  
詆其誇目侈於紅紫蕩心逾於鄭衛斥為詞  
賦之罪人然此自指臺城應教之日二人以  
宮體相高耳至信北遷以後閱歷既久學問  
彌深所作皆華實相扶情文兼至抽黃對白  
之中灝氣舒卷變化自如則非陵之所能及  
矣張說詩曰蘭成追宋玉舊宅偶詞人筆涌  
江山氣文驕雲雨神其推挹甚至杜甫詩曰

庾信文章老更成，凌雲健筆意縱橫。後來嗤  
點流傳賦，不覺前賢畏後生。則諸家之論甫  
固不以為然矣。北史本傳稱有集二十卷，與  
周滕王道之序合。隋書經籍志作二十一卷。  
疑後人掇拾遺篇有所附入。今其本並佚。隋  
書魏澹傳稱廢太子勇命澹註庾信集，今亦  
不傳。此本乃明人採文苑英華諸書所載，排  
比成帙。

國朝吳江吳兆宜嘗為之箋然合衆手以成之  
頗傷漏畧康熙中錢塘倪璠又重註之採摭  
頗為詳脩其中如小園賦前一段本屬散文  
而璠以為用古韻未免失之穿鑿漢書藝文  
志別相陽賦五篇自是人姓名而信哀江南  
賦乃云相陽亭有離別之賦唐山夫人安世  
房中歌桂華二字自屬篇名馮馮翼翼承天  
之則二句為下章之首而信黃帝雲門舞歌

辭云清野桂馮馮璠依違其詞不加駁正亦  
失之附會然比核史事實較吳本為詳集末  
彭城公夫人爾朱氏墓誌銘伯母東平郡夫  
人李氏墓誌銘並考核年月證以文苑英華  
知為楊炯之文誤入信集辨證亦頗精審洵  
讀信集者所當稽也乾隆四十三年二月恭  
校上

總纂官臣紀昀臣陸錫熊臣孫士毅

總校官臣陸費墀

庾子山集卷首上

錢塘倪璠編

年譜

梁武帝

梁書本紀曰帝諱衍字叔達小字練兒姓蕭氏與齊同承淮陰令整之後齊明帝崩遺詔以帝為都督雍州刺史永元三年二月帝發襄陽十二月斬東昏南康王即帝位進帝位相國總百揆封十郡為梁公備九錫之禮進爵為王齊帝下詔禪位天監元年夏四月即位於南郊在位四十九年崩尊為武帝廟曰高祖葬於修陵



天監十二年 癸巳

武帝即位之十二年也陸倕新刻漏銘曰天監六年大歲丁亥哀江南賦云太清二年為戊辰知是年歲在癸巳又以滕王通序巳亥年六十七歲逆數之信當以是年生

天監十三年 甲午

秋七月立皇子綸為邵陵王繹為湘東王紀為武陵王隋書地理志梁武帝除暴寧亂奄有舊吳天監十三年有州十三郡三百五十縣千二百三十二其後務恢境宇多有析置至大同中州一百七郡縣亦稱於此

天監十四年 乙未

天監十五年 丙申

是歲魏明帝  
詡熙平元年

天監十六年 丁酉

春詔織錦者不得為仙人鳥獸之形以其裁翦有乖仁恕宗廟牲牢皆代以麋薦用蔬果朝野喧囂以為宗廟去牲乃是不復血食帝終不從按武帝溺情釋教實起於此

天監十七年 戊戌

天監十八年 己亥

夏帝於無碍  
殿受佛戒

普通元年 庚子

是歲魏正  
光元年

普通二年 辛丑

普通三年 壬寅

普通四年 癸卯

是年簡文帝以晉安王為雍州刺史信父肩吾為  
晉安王國常侍王每從鎮肩吾常隨府在雍州被  
命與劉孝威等十人抄撰衆  
籍豐其果饌號高齋學士

普通五年 甲辰

普通六年

乙巳

是歲魏孝

昌元年

普通七年

丙午

大通元年

丁未

本紀云初帝創同泰寺至是開通大門以對寺之南門取反語以協同泰自是晨夕講義多由此門三月辛未幸寺捨身甲戌還宮大赦改元大通以符寺及門名及簡文帝為太子時有望同泰寺浮圖詩子山集中奉和同泰寺浮屠即此寺也信時年十有五歲侍梁昭明太子東宮講讀滕王道序信年十五侍梁東宮講讀賦云蘭成射策之年是也按天監元年立皇子統為皇太子至中大通

三年堯知為梁  
昭明太子時也

大通二年 戊申

是年春魏明帝崩夏魏大都督爾  
朱榮推奉孝莊帝是為永安元年

中大通元年 己酉

六月都下疫甚帝於重雲殿為百姓救苦設齋以  
身為禱按賦云設重雲之講即此殿也 秋九月  
朱雀航華表災按朱雀航即後太清二年庾信屯  
兵處 九月帝捨身同泰寺羣臣以錢一億萬奉  
贖皇帝三  
請乃許

中大通二年 庚戌

夏四月幸同泰寺設平等會是歲魏莊帝永安三年秋魏莊帝殺其權臣爾朱榮僕射爾朱世隆奔高都奉長廣王曄為主而弑孝莊帝年號建明集中碑誌所稱永安以來魏室大壞又云洛邑亂離當塗危逼蓋指是事

## 中大通三年 辛亥

夏四月皇太子薨六月立昭明太子子歡為豫章郡王譽為河東郡王督為岳陽郡王秋七月立晉安王綱為皇太子信父肩吾為梁太子中庶子掌管記東海徐摛為右衛率摛子陵及信並為抄撰學士文竝綺豔世號徐庾體時信為湘東國常侍轉安南府參軍年十九歲十月上幸同泰寺升法座為四部眾說涅槃經十一月復幸說般若經自後每歲幸焉是歲魏爾朱兆又廢其主曄

而奉節閔皇帝為普泰元年又魏渤海王高歡舉兵信都別奉渤海太守朗為主改普泰為中興

中大通四年 壬子

春立臨川王宏子正德為臨賀郡王嫡皇孫大器為宣城郡王邵陵王綸有罪免為庶人是歲魏高歡平爾朱氏廢節閔帝及自所奉渤海故王朗而奉平陽王修是為孝武帝永熙元年

中大通五年 癸丑

是歲魏孝武用侍中斛斯椿之言疑忌高歡殺其黨司空高乾始與歡有隙

中大通六年 甲寅

是年春魏秦州刺史侯莫陳悅殺闕西大行臺賀拔岳夏夏州刺史宇文泰收岳擊悅斬之孝武以

泰為關西大行臺秋魏孝武帝出屯河橋高歡將兵淮河孝武西奔長安以宇文泰為丞相秉政歡追至華陰而還別奉清河王庶子善見為主徙都鄴魏於是始分為兩孝武既至關中又與泰不平未幾遇鵠而崩

大同元年

乙卯

是歲西魏文帝寶炬大統元年宇文泰封安定郡公

大同二年

丙辰

冬十二月與東魏通和

大同三年

丁巳



秋東魏人來聘使兼散騎常侍張臯聘於東魏  
是年高歡自蒲津伐西魏使大都督竇泰攻潼關  
春宇文泰擊竇泰斬之歡走秋宇文泰攻東魏弘  
農拔之冬高歡自蒲津擊西魏泰與戰於沙苑大  
破之俘斬七萬歡走泰遂濟河擊蒲坂汾絳皆下  
之還屯馮翊又使開府獨孤信攻洛陽拔之梁陳  
以西多降西魏集中諸碑誌所稱戰河橋復弘農  
解華山圍平沙苑陣皆是年事魏之大統三年也

大同四年

戊午

夏東魏人來聘秋使兼散  
騎常侍劉孝義聘於東魏

大同五年

己未

冬東魏人來聘使兼散  
騎常侍柳約聘於東魏

大同六年

庚申

秋東魏人來聘遣散騎常侍陸晏子報聘

大同七年

辛酉

夏東魏人來聘遣兼散騎常侍明少遐報聘冬東魏人來聘遣兼散騎常侍袁狎報聘十二月於宮城西立士林館延集學者賦云開士林之學即是館也

大同八年

壬戌

春安城郡人劉敬躬扶左道以反江州刺史湘東王繹遣中兵曹子郢討擒之送於都斬之建康市按滕王序信時為郢州別駕使與湘東王論中流水戰事醜徒聞其名德遂即散奔賦云論兵於

江漢之君在是年也  
時年三十

大同九年

癸亥

冬益州刺史武陵王紀進號  
征西將軍開府儀同三司

大同十年

甲子

三月幸京口城北固樓因改名北顧南史梁宗室  
傳云蔡謨起樓其上以置軍實是後崩壞項猶有  
小亭又云武帝登北顧亭曰江右有反氣骨肉為  
戎首賦云遭東南之反氣按太清亂後諸鎮猜嫌  
骨肉屠害武帝  
之言竟為驗矣

大同十一年

乙丑

夏東魏人來聘南史紀年不載聘魏本傳累遷通直散騎常侍聘於東魏文章辭令盛為鄴下所稱滕王迥序使魏在湘東水戰之後又以魏書考之當在是年集中有將命至鄴詩又有將命至鄴酬祖正員詩北齊書云祖珽弟孝隱魏末為散騎常侍迎梁使時徐君房庾信來聘名譽甚高魏朝聞而重之按魏書武定三年梁遣散騎常侍徐君房通直常侍庾信十月遣中書舍人魏瑾使梁滕王迥序稱還本國為正員郎雜俎稱信對宴魏使信時三十有三以上大同三年至十一年東魏來聘及梁朝報聘賦所謂王歡為和親之侯班超為定遠之使是也及侯景內附而東魏絕與東魏通和而侯景反矣

## 中大同元年 丙寅

夏四月同泰寺灾本紀云始天監中沙門釋寶誌為詩曰昔年三十八今年八十三四中復有四城

北火酣酣帝使周捨封記之及灾帝啟封見捨手  
迹為之流涕帝生於甲辰三十八剋建業之年也  
遇灾歲實丙寅八十三矣四月十四日實起火之  
始遂至喪亂云按武帝天監元年至明年太清元  
年凡四十七年是梁朝承平之世賦云五十年中  
江表無事是也太清二年遂有侯景之亂矣時  
信為東宮學士領建  
康令年三十有四

# 太清元年

丁卯

正月東魏相渤海王高歡薨二月己卯白虹貫日  
庚辰東魏司徒侯景求以河南十三州內屬壬午  
以景為大將軍封河南王大行臺承制如鄧禹故  
事賦云漁陽有閭左戍卒離石有將兵都尉又云  
飲其琉璃之酒賞其虎豹之皮是也三月幸同  
泰寺設無遮大會上釋御服服法衣行清淨大舍

名曰羯磨帝升光嚴殿講堂坐師子講金字三慧經捨身羣臣以錢一億萬奉贖皇帝賦云談劫儘之灰飛辨長星之夜落是也東魏高澄嗣事為渤海王遣其將慕容紹宗圍景於長社景急乃求割魯陽長社東荆北充請救於西魏方解圍八月諸軍北征以南豫州刺史蕭明為大都督以大將軍侯景錄行臺尚書事十一月慕容紹宗大敗蕭明於寒山明被俘執是侯景內附而東魏絕也

太清二年

戊辰

賦云戊辰之年是也春侯景與慕容紹宗戰於渦陽景大敗走保壽春河南地復入東魏秋七月使兼散騎常侍謝玕聘於東魏通和八月戊戌侯景舉兵反是與東魏通和而侯景反也甲辰使開府儀同三司邵陵王綸都督衆軍討景冬十月侯景襲譙州進攻陷歷陽已酉景自橫江濟采

石辛亥至建鄴故賦云建亥之月建鄴梁之所都  
本故金陵故賦云大盜移國金陵喪亂相繼亡沒皆指  
所謂二男一女竝得勝衣金陵喪亂相繼亡沒皆指  
是年之亂景反以臨賀王正德為平北將軍都  
督京師諸軍屯丹陽郡正德率衆附賊十二月已  
未景立蕭正德為天子於南關前賦云王子召戎  
姦臣介冑謂正德也庚辰邵陵王綸等入援進  
軍湖頭與賊戰賊敗績賦云鎮北之負譽矜前風  
颼凜然者也十二月丙辰司州刺史柳仲禮前  
衡州刺史章瓘等竝帥軍入援推柳仲禮為大都  
督即賦申子是信時年三十六歲賦云信年始  
二毛即逢喪亂是遇亂之年三十有六也本傳  
時為東宮學士領建康令侯景作亂簡文命信率  
宮中文武千餘人營於朱雀航北及景至撤航始  
除一舶見賊軍皆著鐵面遂棄軍走南塘游軍復  
閉航渡景皇太子以所乘馬授王質配精兵三千

使援庾信質至領軍府與賊遇未陣便奔景來勝  
至闕下按退後即潛跡西奔滕王道序所謂出往  
上流者也

# 太清三年

巳巳

正月柳仲禮帥衆分據南岸賊濟軍於青塘襲破  
韋粲韋粲拒戰死賦所謂護軍慷慨忠能死節者  
也庚申白虹貫日三重賦云白虹貫日二月  
侯景遣使求和盟於西華門下時景奸計既成  
乃表陳帝失復舉兵向闕時四方征鎮入援者三  
十餘萬莫有鬪志自相抄奪而已賦云官守無奔  
問之人干戚非平戎之戰又云晉鄭靡依魯衛不  
睦謂諸援軍也丁卯賊攻陷宮城縱兵大掠巳  
亥賊矯詔遣石城公大款解外援軍庚午侯景自  
為都督中外諸軍事大丞相錄行臺事辛未援軍



各散 四月帝憂憤寢疾五月丙辰帝崩於淨居殿時年八十六帝為景所制御膳亦被裁抑疾久口苦索蜜不得再曰荷荷遂崩賦云探雀穀而未飽待熊蹯而詎熟是也辛巳太子即皇帝位立宣城王大器為皇太子立當陽大心為尋陽郡王簡文即位以信父肩吾為度支尚書

# 簡文帝

梁書本紀曰帝諱綱字世續小字六通武帝第三子昭明太子母弟也天監五年封晉安王大通三年昭明太子薨立為皇太子太清三年臺城陷皇太子坐永福省見侯景神色自若無懼容武帝崩即皇帝位在位二年崩承聖元年尊為簡文帝廟號太宗葬莊陵

太寶元年

庚午

正月朔大赦改太清四年為大寶元年西魏尅安

陸執司州刺史柳仲禮盡有漢東地按侯景攻城

仲禮開門降賊至是復屈西魏賦云功業天枉身

名埋沒矣二月侯景攻下廣陵景逼帝幸西州

夏湘東王使將軍王僧辯攻殺河東王譽譽弟

岳陽王譽以雍州入西魏秋七月賊行臺任約

寇江州刺史尋陽王大心以州降之按梁書及南

史庾肩吾傳肩吾為度支尚書時上流諸蕃竝據

州拒侯景景矯詔遣肩吾喻當陽公大心大心尋

舉州降賊肩吾因逃入東後賊帥宋子仙破會稽

購得肩吾欲殺之尋釋以為建昌令仍問道奔江

陵賦云既姦回之曩逆終不悅於仁人是也八

月湘東王繹遣領軍將軍王僧辯逼郢州邵陵王

綸棄郢州走九月乙亥侯景自進位相國封二

十郡為漢王十月乙未景又逼帝幸西州曲宴自

加宇宙大將軍都督六合諸軍事是歲夏五月

丙辰東魏靜  
帝遜位於齊

大寶二年

辛未

二月邵陵王綸走至安陸董城為魏所攻見殺為  
王僧辯逼之軍潰故賦云才子併命俱非百年又  
云夏口濫達泉之誅是也 三月侯景悉兵西上  
於大新跨水築城名曰捍國四月景遣宋子仙襲  
陷郢州乘勝西上號二十萬聯旗千里按本傳臺  
城陷後信奔江陵時侯景悉兵西上信方在道途  
遇景繫郢之兵故賦云吹落葉之扁舟飄長風於  
上遊彼鋸牙而鉤爪又循江而習流 閏四月侯  
景圍巴陵六月乙巳解圍宵遁秋七月景還至建  
業按景軍敗信得度郢州賦云落帆黃鶴之浦藏  
船鸛鷀之洲蓋江夏地也又按王僧辯平郢之後  
湘東王封蕭韶為長沙王郢州刺史南史梁宗室

傳云韶昔為幼童庾信愛之有斷袖之歡衣食所資皆信所給遇客韶亦為信傳酒後為郢州信西上江陵途經江夏韶接信甚薄坐清油幕下引信入宴坐信別攝有自矜色信稍不堪因酒酣乃便上韶床踐蹋肴饌直視韶而謂曰官今日形容大異近日時賓客滿坐韶甚慙耻知是時信在郢州年三十九歲八月戊午侯景廢帝為晉安王幽於永福省害皇太子大器等冬十月王偉等進觴於帝既醉寢韋雋進土囊王修纂坐上帝崩於永福省時年四十九偉徹戶扉為棺遽殯於城北酒庫中賦云車側郭門筋縣廟屋又與諸子大器大心大鈞大球大昕及尋陽王諸子二十人俱見害故云更不遇於浮丘遂無言於師曠以愛子而託人知西陵而誰望皆哀簡文帝也景迎豫章王棟即皇帝位改元天正又矯蕭棟詔禪位偽號太始元年侯景傳云臺城既陷武帝嘗語人曰侯景

必為帝但不久耳破侯景字成小人百日天子為  
帝景以辛未年十一月十九日篡位壬申三月十  
九日敗得一百二十日而景以三月一日便往姑  
熟計在宮殿足滿十旬其言竟驗信奔江陵元  
帝承制除御史中丞賦云侯尸承於御史按王僧  
辯平郢信至郢州奔江陵當在七月後元帝承制  
時也信至江陵居城北三里宋玉舊宅即八世  
祖庾滔故居賦云誅茅宋玉之宅是也時信父肩  
吾亦奔江陵歷江州刺史領義陽太守封武康縣  
侯卒梁書云肩吾逃入建昌久之方得赴江陵未  
幾卒賦云信生世等於龍門辭親同於河洛用太  
史公事漢書遷生龍門天子始建漢家之封太史  
公留滯周南不得與從事發憤卒子遷適反見父  
於河洛之間按明年元帝即位肩吾已卒是亦不  
得與從事也時信遁奔江陵始一見父遂爾遭喪  
事同河洛至承聖元年十一月帝即位時已近小

祥襲父爵為武康縣侯  
明肩吾之卒在是年也

## 元帝

梁書本紀曰帝諱繹字世誠小字七符武帝第七子也天監十三年封湘東王侯景陷建鄴王沖等請為大尉都督中外諸軍事不許又請為司空以主諸侯亦弗聽及簡文帝即位改元大寶帝以簡文制於賊臣卒不遵用簡文帝崩王僧辯等奉表勸進帝不許時巨寇尚存帝未欲即位乃下令斷表明年平景乃即位於江陵在位三年紹泰元年尊為孝元皇帝廟號世祖

## 承聖元年

壬申

二月王僧辯衆軍發自尋陽帝馳檄四方購獲景及逆者封萬戶開國公絹布五萬疋賦云西楚霸

王劍及繁陽謂元帝討景之師也三月僧辯等平景傳首江陵元帝命梟於市三日然後煮而漆之以付武庫賦云剖巢燼穴奔魃走魅埋長狄於駒門斬蚩尤於中冀燃腹為燈飲頭為器四月乙巳益州刺史武陵王紀僭位於蜀年號天正五月甲申以開府儀同三司江州刺史王僧辯為司徒賦云司徒之表裏經綸謂僧辯也以陳霸先為征北大將軍開府儀同三司徐州刺史齊人賀平侯景八月武陵王紀率巴蜀之衆東下遣護軍陸法和屯巴峽以拒之賦云營軍梁涿菟來巴渝十一月丙子帝即位於江陵改太清六年為承聖元年賦云中宗之夷凶靖亂大雪冤恥去代邸而承基遷唐郊而纂祀謂元帝也帝即位信轉右衛將軍封武康縣侯加散騎侍郎賦云謬掌衛於中軍時年四十年是歲魏廢帝欽元年

承聖二年

癸酉

正月以吏部尚書王褒為尚書僕射五月甲申魏大將尉遲迥進兵逼巴西潼州刺史楊乾運以城納迥己丑武陵王紀軍至西陵七月武陵王紀衆大潰帝命樊猛斬紀賦云荆門遭廩延之戮是也八月戊戌尉遲迥平蜀僕射王褒等請徙都建鄴帝不從賦云既無謀於肉食非所望於論都九月齊遣郭元建及將邢杲遠步陸汙薩東方老帥衆屯合肥賦所謂蘇交北絕也

承聖三年

甲戌

賦云窮于甲戌謂承聖三年甲戌也是歲魏廢帝三年春正月始作九命之典以叙内外官爵以第一品為九命第九品為一命改流外品為九秩亦以九為上又改置州郡及縣改東雍為華州北



雍為宜州南雍為蔡州華州為同州北華為郿州  
東秦為隴州南秦為成州北秦為友州東荆為淮  
州南荆為昌州東夏為延州南夏為長州東梁為  
金州南梁為隆州北梁為靜州陽都為汾州南汾  
為勲州汾州為丹州南幽為寧州南岐為鳳州南  
洛為上州南廣為涇州南襄為湖州西涼為甘州  
西郢為鴻州西益為利州東巴為集州北應為輔  
州恒州為均州沙州為深州寧州為麓州義州為  
巖州新州為溫州江州為河州西安為鹽州安州  
為始州并州為隨州肆州為塘州冀州為順州淮  
州為純州楊州為潁州司州為憲州南平為昇州  
南郢為歸州青州為眉州凡改州四十六置州一  
改郡一百六改縣二百三十集中碑誌歷稱諸州  
故備錄於此餘同此例是月魏帝為相安定公  
所廢而立齊王廓是為恭帝元年魏相安定公即  
周太祖宇文泰也先是魏使宇文仁恕來聘齊使

又至江陵帝接仁恕有闕魏相安定公賊馬七月  
安定公至原州帝遣使請據舊圖以定疆界又連  
結于齊言辭悖慢秦曰古人有言天之所棄誰能  
與之其蕭譽之謂乎九月乙巳使柱國萬紐于謹  
來攻賊所謂秦患西起也十月丙寅魏軍至襄陽  
梁王蕭譽率衆會之賊云雖借人之外力實蕭墻  
之內起又云惜天下之一家遭東內之反氣謂蕭  
譽也十一月丁亥魏軍至柵下是日帝猶賦詩不  
廢戊申胡僧祐朱買臣等出戰買臣敗績僧祐中  
流矢薨賦云鬼火亂於平林殤魂遊於新市蓋傷  
中興之臣戰鬪而死也辛亥魏軍大攻帝親臨陣  
督戰軍敗帝見執如梁王蕭譽營甚見詰辱十二  
月辛未魏人戕帝賦云中興道銷窮於甲戌即是  
年也帝崩時年四十七愍懷太子元良及始安王  
方畧等皆見害賦云撥亂之主忽焉中興之宗不  
祀伯兮叔兮同見戮於猶子言皆為蕭譽所害也

魏人立蕭詧為梁王居江陵城東資以一州之地其襄陽所統盡歸於周賦云以鷄首而賜秦天何為而此醉江陵陷汝南王大封尚書左僕射王褒以下竝為俘以歸長安乃選百姓男女數萬口分為奴婢小弱者皆殺之本傳聘於東魏屬大軍南討遂留長安是江陵未陷之先信已至長安賦云提挈老幼闕河累年滕王逵序攜老入關蒸色養然子山出聘不得老幼竝攜明是江陵獻俘之日信本江陵名士特為太祖所知推恩禮送故信老幼皆在長安又小園賦云薄晚閑閨老幼相攜蓬頭王霸之子推髻梁鴻之妻江陵陷信仕西魏拜使持節撫軍將軍右金紫光祿大夫大都督尋進車騎大將軍儀同三司時年四十有二

敬帝

梁書本紀曰帝諱方智字慧相小字法真世祖第九子也承聖三年十一月江陵陷王僧辯陳霸先以帝為太宰承制奉迎還京師四年七月以帝為皇太子九月即帝位改元泰紹在位三年遜位於陳帝為江陰王薨於外邸時年十六追謚敬皇帝

泰紹元年

乙亥

即承聖四年也三月齊送貞陽侯蕭明來主梁嗣至東關遣吳興太守裴之橫拒之七月僧辯納貞陽侯蕭明入建鄴即偽位年號天成以帝為皇太子司空陳霸先襲殺王僧辯黜蕭明而奉帝為賦云南陽較書去之已遠上蔡遂獵知之何晚擬連珠云劉琨之英畧莫知自免皆傷僧辯也九月丙午帝即位十月己巳大赦改元壬子加司空陳霸先尚書令都督中外諸軍事震州刺史

# 太平元年

丙子

九月大赦改元司徒陳霸先進位丞相錄尚書事  
是歲魏恭帝三年春魏依周禮立六官十月  
乙亥魏相安定公宇文泰薨遺令兄子護輔世子  
覺以為政魏帝詔以岐陽之地封覺為周公十二  
月庚子禪位即周孝閔帝是也周閔帝踐阼信封  
臨清縣子邑五百戶除司水下大夫出為弘農守  
賦云讓東海之濱遂餐周粟集中有忝在司水看  
治渭橋詩王褒集有和庾司水治渭橋詩弘農有  
五張寺有溫湯集中弘農郡五張寺碑  
溫湯碑皆是時作也時年四十有四

# 太平二年

丁丑

冬十月辛未帝遜位於陳陳受命奉帝為江陰王  
改為永定元年賦云有媯之後將育於姜輸我神

器居為讓王又云用無賴之子弟舉江東而全棄  
謂陳霸先也按建鄴既非梁有信遂無所可歸擬  
連珠云烏江艤檣知無路可歸白雁抱書定無家  
可寄雖極思念鄉關實無歸陳之志矣是歲周閔  
帝元年及九月周冢宰宇文護弒  
閔帝而奉明帝又為明帝元年

## 周明帝

周書本紀曰帝諱毓小名統萬突大祖長子也大統  
十四年封寧都郡公孝閔帝踐阼進位柱國岐州刺  
史及閔帝廢晉公護遣使迎帝於岐州九月癸  
亥即天王位在位四年崩諡曰明廟號世宗

二年

戊寅

明帝即位之二年也 正月乙未以大冢宰晉公  
護為太師 是月梁故觀寧侯蕭永卒信著思舊

銘銘云歲在攝提星居監德知是年正月也一作  
鵠首在是年五月正月丁巳雍州置十二郡又  
於河東置蒲州河北置虞州弘農置陝州正平置  
絳州宜陽置熊州邵郡置邵州按弘農置陝州時  
信為弘農守是其治也三月改雍州刺史為雍  
州牧京兆郡守為京兆尹以廣業修城二郡置康  
州葭蘆郡置文州六月戊子大雨霖詔公卿大  
夫士爰及牧守黎庶等各上封事諫言極諫無有  
所諱分長安為萬年縣竝  
治京城是歲陳永定二年

武成元年

己卯

明帝改天王稱皇帝復建年號曰武成正月己  
酉太師晉公護上表歸政帝始親覽萬機軍旅之  
事護猶總馮祀閔帝歌辭云升與芒刺動入位據  
闕寒謂晉公護也初改都督諸州軍事為總管

三月癸巳陳六軍帝親擐甲胄迎太白於東方  
八月以大將軍安城公憲為益州總管九月憲  
為齊國公大將軍天水公廣為梁州總管正  
平公招為趙國公招好屬文學庾信體詞多輕艷  
皇弟儉為譙國公迥為滕國公天水公廣  
為蔡國公高陽公達奚武為鄭國公武陽公  
豆盧寧為  
楚國公

## 武成二年

庚辰

正月癸丑朔大會羣臣於紫極殿始用百戲焉本  
傳遷驃騎大將軍開府儀同三司司憲中大夫進  
爵義城縣侯滕王迥序云入為司憲中大夫嘗正  
旦賦詩云云其王事之中優游如此集中有正旦  
上司憲府詩未詳何年正旦按子山出守弘農例  
必三年報最是歲為麟趾學士得預校書當在入



為司憲之後故附錄於此北史庾季才傳云武成二年與庾信王褒竝為麟趾學士集中有預麟趾殿校書和劉儀同二月雙白鶴飛集上林園大將鄭偉布弋設置竝皆禽獲信作鶴讚序稱武成二年春二月天子愍焉信奏事階墀立使為讚知信時在長安為司憲中大夫時也三月辛酉重陽閣成會羣公列將卿大夫及突厥使者於芳林園賜錢帛各有差夏四月帝因食遇毒遂崩集中和宇文弼入重陽閣悼明帝也  
是歲陳文帝天嘉元年

## 武帝

周書本紀曰帝諱邕字稱羅突太祖第四子也母曰叱奴太后大統九年生於同州孝閔踐阼拜大將軍出鎮同州世宗即位進柱國蒲州刺史武成元年封魯公領宗師二年世宗崩遺詔傳位於帝在位七年

廟謚曰武  
廟號高祖

保定元年

辛巳

正月以大象宰晉國公護為都督中外諸軍事令  
五府總於天官 庚戌祠圓丘壬子祠方丘甲寅  
祠感生帝於南郊乙卯祠太社按後周憲章周禮  
圓丘宜在冬至方丘宜在夏至南郊祠感生帝宜  
在正月上辛今竝在正月未洽古制時帝即位未  
久雖行周禮未臻雅正天和元年初造山雲舞以  
備六代至建德三年樂成始有可觀隋志後周圓  
丘及南郊竝正月上辛此用庚戌甲寅時武帝初  
立其制未足憑也 己巳祠太廟班太祖所述六  
官焉 丙子大射於正武殿賜百官各有差 二  
月于洮陽置洮州 甲午朝日於東郊 按是年  
為辛巳馬射賦云歲在昭陽蓋辛年也三月三日

華林園馬射疑在是年賦無歲支周史不載難以詳考武帝時惟是年辛巳及天和四年辛卯有兩辛年是年武帝初立正月大射於正武殿是月丙寅改八丁兵為十二丁兵時方示武之日華林馬射在是年者為長史或缺文也五月丙午封皇子贊為魯國公晉公護獲玉斗以獻集中有為晉陽公進玉律秤尺升斗表六月乙酉遣治御正殷不害等使于陳本傳南北通好之時惟放王克殷不害等即是人也十一月陳遣使來聘是月齊孝昭帝薨弟長廣王湛代立是為武成帝

保定二年 壬午

正月丁未以陳主弟項為柱國送還江南按陳尚書周弘正自周還弘正以陳天嘉元年往長安迎宣帝明帝之武成二年也天嘉三年自周還武帝之保定二年也集中有別周尚書弘正詩又有送

周尚書弘正二首重別周尚書二首皆是時作  
閏月己丑詔柱國以下帥都督以上母妻授太夫  
人夫人郡君縣君各有差集中譙國夫人步陸孤  
氏以下諸篇稱夫人郡君縣君皆此例矣 二月  
癸丑以久不雨降宥罪人京城三十里內禁酒  
梁主蕭譽薨 以大將軍蔡國公廣為秦州總管  
四月己未於伏流城置和州 六月己亥以柱  
國蜀國公尉遲迥為大司馬分山南荊州安州襄  
州江陵為四州總管 七月晉國公命鑿石關之  
谷信著終南山義谷銘銘序曰周保定二年歲次  
壬午七月云云 九月陳遣使來聘 十月辛亥  
帝御大武殿大射公卿列將皆會戊午講武於少  
陵原分南寧州置恭州集中有從駕觀講武詩  
十一月丁卯以大將軍趙國公招為柱國又以招  
為益州總管集中上益州上柱國趙王二首奉報  
趙王出師在道賜詩和趙王送峽中軍和趙王途

中五韻皆  
是時作

保定三年

癸未

正月辛未改光遷國為遷州壬辰乞銀城置銀州  
四月乙未以柱國鄭國公達奚武為太保按公  
夫人即鄭氏見墓誌 壬戌詔百官及民庶上封  
事極言得失五月甲子朔避正寢不受朝旱故也  
甲戌雨 七月庚午陳遣使來聘 九月己丑初  
令世襲州郡縣者改為五等爵州封伯郡封子縣  
封男 十月乙巳以開府杞國公亮  
為梁州總管 庚戌陳遣使來聘

保定四年

甲申

五月丁亥改禮部為司宗大司禮為禮部大司樂  
為樂部按信後為司宗中大夫之職司宗大夫即

古宗伯禮官後周依周禮建六官故改禮部為司  
宗矣 六月庚寅改御伯為納言 八月丁亥以  
柱國齊公憲為雍州牧 九月若干鳳為徐國公  
集中有侍從徐國公殿下軍行 陳遣使來聘  
閏月己亥以大將軍長孫儉為柱國 十月癸亥  
大將軍陸通蔡國公廣竝為柱國通即譙國夫人  
步陸氏之父也 甲子詔大將軍大冢宰晉國公  
護率軍伐齊總大軍出潼關賀婁公碑文云大冢  
宰任總機衡是勤王畧是也 十一月甲午柱國  
蜀國公尉遲迥率師圍洛陽柱國齊國公憲營於  
却山晉公護次於陝州齊王憲碑文云保定四年  
與大司馬蜀國公圓金墉城師臨洛浦則廣武營  
奔兵上却山則河橋路斷是也十二月壬戌齊師  
渡河晨至洛陽諸軍驚散至夜引還賀婁公碑文  
云中途甚雨未獲圍原軍師聞  
喪不成侵宋亦言是戰無功矣

保定五年

乙酉

正月庚子令荊州安州江陵等總管並隸襄州總管府以柱國大司空衛國公直為襄州總管二月詔陳國公純等如突厥逆女辛威碑文云被使領命出西涼州奉迎突厥皇后又宇文廣墓誌云奉詔向甘州迎皇后即其事也三月戊子柱國楚國公豆盧寧薨四月齊武成禪位於其太子緯自稱太上皇帝六月辛未詔曰江陵人年六十五以上為官奴婢者已令放免其公私奴婢有年至七十以外者所在官司宜贖為庶人十月辛亥改函谷關城為通洛防是月庚申柱國楚國公岐州刺史慕容寧葬信著碑文十一月丁未陳遣使來聘周冠軍公夫人烏石蘭氏以是年葬信

作誌銘

天和元年 丙戌

正月辛巳露寢成幸之令羣臣賦古詩京邑耆老  
竝預會焉頒賜各有差癸未大赦改元百官普加  
四級 丁未於宕昌置宕州 以柱國昌寧公長  
孫儉為陝州總管 遣小載師杜果使於陳 二  
月戊申以開府中山公訓為蒲州總管集中就蒲  
州使君乞酒蒲州刺史中山公許乞酒一車未送  
即是人也 二月六日周隴右總管長史豆盧永  
恩葬信著碑文 三月丙午祠南郊 四月陳文  
帝薨子伯宗嗣立是為天康元年 五月庚辰帝  
御正武殿集羣臣親講禮記吐谷渾龍涸王莫昌  
率戶內附以其地為扶州 六月丙午以大將軍  
抱罕公辛威為柱國 九月乙亥信州蠻冉令賢  
向五子王反詔開府陸騰討平之 十  
月甲子初造山雲憊以備六代之樂



天和二年 丁亥

正月丁亥初立郊丘壇壝制度其制注詳第六卷  
歌辭 四月乙巳省東南諸州以潁州歸州潁州  
均州入唐州油州入純州鴻州入淮州涇州入湖  
州雒州入襄州憲州入昌州 六月辛亥尊所生  
母叱奴氏為皇太后戊寅陳湘州刺史華皎率衆  
來附遣襄州總管衛國公直等將兵援之因而南  
伐集中有送衛王南征詩 壬辰以大將軍譙國  
公儉為柱國 九月衛國公直等與陳將淳于量  
吳明徹戰於沌口王師失利元定以步騎數  
千先度遂沒江南是歲陳廢帝光大元年

天和三年 戊子

正月辛丑祠南郊按南郊用正月上辛此時始正  
所謂夏正郊天祀感精帝靈威仰之神也後周以

始祖獻侯莫那配之如古后稷配天之義禘其祖之所自出以其祖配之者也注詳第六卷歌辭  
三月癸卯皇后阿史那氏至自突厥 甲寅以蔡國公廣為陝州總管 是月二十日周太傅鄭國公夫人鄭氏薨於某月葬信作墓誌 四月辛巳齊國公憲為大司馬 五月庚戌祠太廟 八月齊請和親遣使來聘詔軍司馬陸逞兵部尹公正報聘馬步陸碑云齊國通和封人受使以公有出境之才見命張旌之禮是其事也 癸酉帝御大德殿集百寮及沙門道士等親講禮記 十月癸亥祠太廟 十一月陳安成王頊廢其主伯宗而自立是為宣帝 十二月齊武成帝薨

天和四年

己丑

正月辛卯遣司會河陽公李綸等會葬於齊仍弔賻焉集中有司會河陽公新造山池寓目詩河陽

公即綸也 二月八日周大都督楊林伯長孫瑕  
夫人羅氏薨以某年葬信作墓誌 二月癸亥以  
柱國昌寧公長孫儉為夏州總管 戊辰帝御大  
德殿集百寮道士沙門等討論釋老義集中有奉  
和闡弘二教應詔詩 三月二十日後魏驃騎將  
軍荊州刺史賀拔夫人元氏葬信作墓誌 四月  
齊遣使來聘二十七日信代陝西總管作移齊河  
陽執事文 五月己丑帝制象經成集百僚講說  
集中有象戲賦進象經賦表 六月築原州及涇  
州東城 八月庚辰盜殺孔城防主以其地入齊  
九月辛卯遣柱國齊國公憲率衆於宜陽築崇  
德等城 十一月十日復作移齊河陽執事文  
是月辛亥柱國昌寧公長孫儉薨以某年  
葬信作碑文 是歲陳宣帝太建元年

天和五年

庚寅

七月以柱國譙國公儉為益州總管 十月周驛  
騎大將軍開府侯莫陳道生葬信作墓誌銘 十  
一月五日周柱國大將軍大都督同州刺史爾綿  
永葬有碑文 是月梁故郢州刺史周大將軍義  
興公蕭世怡葬信作墓誌銘 十二月平越葛置  
西寧州 是冬齊將斛律明月寇邊於汾北築城  
自華谷至  
於龍門

天和六年

辛卯

正月詔柱國齊國公憲率師禦斛律明月 田弘  
為柱國 三月齊國公憲自龍門度河斛律明月  
退保華谷憲攻拔其新築五城 甲午大將軍杞  
國公亮為秦州總管 庚子鴈門公田弘率師取  
齊宜陽等九城 太安公閭慶南陽公叱羅協等  
並為柱國按慶即集中抗表致仕者也協即長孫

夫人羅氏之父 五月丙辰中山公訓為柱國按  
訓晉公護世子為蒲州刺史至建德元年從蒲州  
徵赴京師子山就蒲州使君乞酒許乞酒一車未  
送者也 六月周大將軍趙公宇文廣葬信著墓  
誌銘 八月癸酉省掖庭夷樂後宮羅綺工人五  
百餘人 十月十日隴東郡公侯莫陳君夫人竇  
氏葬信作墓誌銘 十一月六日周大將軍襄城  
公鄭偉葬信作墓誌銘 是月十六日周安昌公  
夫人鄭氏葬信作墓誌 又大將軍聞嘉公柳遐  
葬信作墓誌銘稱天和某年附錄於此 是年齊  
王憲伐齊信同盧愷並從  
軍行有同盧記室從軍詩

建德元年

壬辰

春正月帝幸玄都觀親御法座講說公卿道俗論  
難事畢還宮集中有奉和法筵應詔詩 二月趙

國公夫人紇豆陵氏葬信作墓誌誌稱天和七年三月丙辰誅大冢宰晉國公護癸亥以太傅

蜀國公尉遲迥為太師松滋公夫人尉遲氏墓誌

云父太師柱國公是也柱國鄧國公竇熾為太

傅按熾為趙國夫人紇竇陵氏之父見墓誌齊

國公憲為大冢宰碑文云建德元年進爵為王仍

拜大冢宰是也柱國抱罕公辛威為大司冠碑

文作天和元年為異四月甲戌以滕國公迥為

柱國詔荊州安州江陵等總管停隸襄州庚寅

追尊畧陽公為孝閔皇帝癸巳立魯國公墳為

皇太子五月壬戌帝以大旱集百官於庭詔求

直言公卿各引咎自責其夜澍雨八月十二日

周大將軍司馬裔葬信著碑文又作墓誌銘十

月庚午詔江陵所獲俘虜充官口者悉免為民

十一月二十二日譙國夫

人步陸孤氏葬信作墓誌

建德二年

癸巳

春正月辛丑祠南郊 乙巳以柱國鴈門公田弘  
為大司空碑文作元年 大將軍徐國公若干鳳  
為柱國集中侍從徐國公殿下軍行即若干鳳也  
乙卯祠太廟 是月周柱國大將軍大都督同  
州刺史爾綿永夫人赫連氏合葬信著碑文 閏  
月巳巳陳遣使來聘 二月二十三日周車騎大  
將軍贈小司空宇文顯葬信作墓誌銘 是月省  
雍州內八部併入京兆馮翊扶風咸陽等郡 三  
月癸巳省六府諸司中大夫以下官府置四司以  
下大夫為之官長上士貳之 夏四月巳亥祠太  
廟 五月十一日周太子少保陸逞薨以明年正  
月葬信著步陸碑文六月庚子省六府員外諸官  
皆為丞 秋七月巳巳祠太廟自春末不雨至於  
是月壬申集百寮於大德殿帝責躬罪巳問以治

政得失戊子雨 九月乙丑陳遣使來聘 冬十月癸卯齊遣使來聘 甲辰六代樂成帝御崇信殿集百官以觀之按天和元年冬十月甲子初建山雲儼以備六代之樂至是乃成武帝造山雲儼其辭多出於子山之手集中郊廟燕社歌是也其圖丘方澤五帝歌辭采入隋志 冬陳拔壽陽斬王琳按王琳不受陳命實梁室之忠臣軍敗為吳明徹所殺子山嘗寄詩云獨下千行淚聞君萬里書其見重如此 周大將軍閻慶以是年抗表致仕集中有為閻大將軍乞致仕表

## 建德三年

甲午

正月壬戌冊柱國齊國公憲衛國公直趙國公招譙國公儉滕國公迥並進爵為王 己巳祠太廟 三月癸酉皇太后叱奴氏崩帝居倚廬朝夕共一溢米羣臣表請累旬乃止詔皇太子贊總釐庶



政 五月庚申葬文宣皇后於永固陵帝徒跣至陵所辛酉詔行三年之喪練麻之節苦廬之禮率遵前典以申罔極公卿上表固請俯就權制過葬即吉帝不許引古禮答之羣臣乃止於是遂申三年之制五服之內亦令依禮按後周憲章周禮復行三年之喪其制最為盡善叱奴氏有廟集中有獻文宣皇太后歌辭 十月丙申御正楊尚希禮部盧愷使於陳愷即詩集盧記室也 戊辰雍州牧獻蒼烏集中有齊王進蒼烏表時齊王為雍州牧矣 是月十五日周儀同松滋公夫人尉遲氏葬信作墓誌 十一月戊午以柱國大司空上庸公陸騰為涇州總管

建德四年

乙未

正月戊辰以柱國抱罕公辛威為寧州總管碑文云授寧州總管都督七州諸軍事即為河州大中

正

二月二十四日

周大將軍

崔說

葬信著碑文

三月丙辰

遣小司寇

淮南公

元偉等使於齊

按

是秋高祖親戎東討偉遂為齊人所執至六年齊

平偉方見釋集中有贈司寇淮南公詩和淮南公

聽琴聞弦斷淮南公即元偉也甲戌以柱國趙

王招為雍州牧是月周車騎大將軍張慈葬信

著賀婁公碑文四月二十五日周柱國大將軍

紇于弘葬信著碑文紇于弘即田弘也七月下

詔伐齊趙王招為後三軍總管答趙王啟云張幕

全韓連營上地是也時趙王為雍州牧齊王憲

率衆二萬趣黎陽壬午上親率六軍衆六萬直

指河陰八月丁未拔之進攻子城未克上有疾還

降拔三十餘城皆棄而不守是月周驃騎大將

軍冠軍伯榮烈李夫人葬信作墓誌閏十月以

柱國齊王憲為上柱國信時為洛州刺史為政

清淨吏人安之時陳氏通好南北流寓之士各許

還其舊國陳氏乃請王褒及信等十數人高祖惟放王克殷不害等信及褒並留而不還按南史殷不害傳太建七年自周還陳是歲陳太建七年陳氏請褒及信周朝惜而不遣即是年也時年六十有四

# 建德五年

丙申

二月辛酉遣皇太子斌巡撫西土仍討吐谷渾戎事節度並宜隨機專決三月壬寅至自同州文宣皇后服再薨戊申祥集中移虜留使文入境以來國祥甫通按武帝服三月祥二月太子巡撫西土知虜謂吐谷渾渾王遣使入境以來國祥甫通也六月辛亥祠太廟九月己酉帝總戎癸亥帝至晉州遣齊王憲率精騎二萬守雀鼠谷齊王碑文云又加王精兵六萬長圍晉州自爾即為前鋒

橫行入鄴是也 齊衆潰遂克晉州齊主留安德王延宗守晉陽而奔鄴延宗自稱帝遂攻拔之

## 建德六年

丁酉

正月乙亥齊王傳位於其太子恒改元承光自號為太上皇壬辰帝至鄴齊王先於城外掘塹豎柵癸巳帝率諸軍圍之齊人拒守諸軍奮擊大破之遂平鄴集中有奉和平鄴應詔詩賀平鄴都表表云蒞政東藩不獲躬到闕庭遣主簿陪臣曹敏奉表以聞是信時為洛州刺史在洛州為長安之東故云東藩 是月遣吐谷渾使信作移虜留使文按移文云某入境以來國祥甫邇自秋迄冬未申款接又云時當獻歲惟新三元告慶陽和既動澤漸萬邦便當遣使相隨永敦鄰睦故移知渾王遣使在建德五年二月留至是年正月發遣歸國故作移文也 六月癸亥於河州雞鳴防置旭州甘

松防置芳州廣川防置弘州 七月丙戌行幸洛  
州已丑詔山東諸州舉有才望者赴行在所共論  
政事得失信時為洛州刺史有奉報寄洛州詩  
尋徵為司宗中大夫 十一月稽胡反遣齊王憲  
率軍討平之齊王碑文亦序其事 詔自永熙已  
來江陵良人沒為奴婢者並宜放免所在附籍一  
伍同民

# 宣政元年

戊戌

正月壬午行幸鄴宮分湘州廣平郡置洺州清河  
郡置貝州黎陽郡置黎州汲郡置衛州分定州常  
山郡置恒州分并州上黨郡置潞州辛卯行幸懷  
州癸巳幸洛州詔於懷州置宮 三月戊午於蒲  
州置宮廢同州及長春二宮大將軍王軌破陳師  
於呂梁擒其將吳明徹等俘斬三萬餘人明徹誌

銘亦稱其事周封微為懷德郡公 六月丁酉帝  
崩 甲子誅上柱國齊王憲碑文云二十八日齊  
王憲  
薨

## 宣帝

周書本紀曰帝諱贇字乾伯高祖長子也建德元年  
立為皇太子宣政元年六月高祖崩即皇帝位在位  
二年傳位於太子衍自稱為天元  
皇帝大象二年崩諡曰宣葬定陵

## 大象元年

己亥

按滕王迥序歲在屠維龍居淵獻春秋六十有七  
知是年己亥子山年六十七也 正月癸巳改元  
大成 癸卯封皇子衍為魯王戊午立魯王衍為  
皇太子二月辛巳傳位於皇太子衍改大成元年

為大象元年帝於是自稱天元皇帝所居稱天臺  
冕有二十四旒車服旗鼓皆以二十四為節皇帝  
衍稱正陽宮集中有賀傳位於皇太子表 四月  
乙巳祠太廟 五月辛亥以洺州襄國郡為趙國  
以荊州新野郡為滕國令趙王招滕王逌等並之  
國按滕王以是年撰庾開府集二十卷在新野製  
序寄至長安子山作啟謝之遙寄於彼故云至鄴  
可期從梁有日又云魚腸尺素鴈足數行書此謝  
辭終知不盡皆遙寄之文  
也 是年信以疾去職

大象二年

庚子

四月己巳祠太廟 己卯詔死罪並降從流流罪  
從徒五歲刑己巳下悉皆原宥壬午幸中山祈雨至  
咸陽宮雨降按集中有喜晴應詔詩同顏大夫初  
晴和趙王喜雨和李司錄喜雨諸篇自明帝二年

保定三年建德元年二年並有祈雨喜雨之事子  
山諸詩以英華類聚一處未詳何年所作故備錄  
焉五月乙未宣帝寢疾詔隋國公楊堅入侍丁  
未追趙陳越代滕五王入朝己酉帝崩矯制以隋  
國公堅受遺輔政七月丁未隋公楊堅為都督內  
外諸軍事趙王招以謀執政被誅是月二十八  
日陳將吳明徹卒於長安至八月十九日寄葬京  
兆信作墓誌八月丁卯封上柱國抱罕公辛威  
為宿國公移相州於安陽分相州陽平郡置毛州  
昌黎郡置魏州九月辛丑分潼州管內新遂  
普合及瀘州管內瀘戎六州並隸信州總管府  
壬子隋公楊堅為大丞相尋加大冢宰五府總於  
天官十一月十日周兗州刺史廣饒公鄭常葬  
常賜姓宇文集中有宇文公神道碑又著鄭常墓  
誌銘十二月甲子大丞相隋國公楊堅進爵為  
王以十郡為國丁未滕王逌以謀執政被誅



# 靜帝

周書本紀曰帝諱衍後改為閔宣帝長子也大象元年正月封魯王立為皇太子二月宣帝於鄴宮傳位授命居正陽宮二年宣帝崩帝入居天臺廢正陽宮大定元年二月禪位於隋五月壬申崩諡曰靜葬蔡陵

大定元年

辛丑

隋開皇元年

正月壬午改大象三年為大定元年 二月庚申隋王楊堅為相國總百揆備九錫之禮甲子隋王楊堅稱尊號改為開皇元年按北史隋開皇元年庚信卒滕王序已亥為六十七歲知子山卒時年

六十九歲也又按辛威碑文開皇元年七月某日反葬河州碑銘猶出信手子山之歿當在秋冬矣

璠按庾子山以梁武帝天監十二年癸巳某月日生大通元年丁未十有五歲侍梁東宮講讀起家湘東王國常侍轉安南府參軍中大通三年辛亥年十九歲晉安王為皇太子與父肩吾及東海徐摛摛子陵竝為抄撰學士宮中號徐庾體大同六年壬戌三十歲為郢州別駕時安城郡人劉敬躬反信與湘東王論中流水戰事深為武帝所賞遂擒敬躬斬之都市大同十一年乙丑

三十三歲為通直散騎常侍與徐君房聘于東魏中大  
同元年丙寅三十四歲為東宮學士領建康令太清二  
年戊辰年三十有六遇侯景之亂簡文帝命以本官率  
宮中文武千人營朱雀航北景至以衆先退遂爾西奔  
至大寶三年辛未三十九歲夏四月途遇侯景襲郢之  
兵潛跡江夏景退至郢州時刺史蕭韶昔為幼童與信  
有斷袖之歡信至接信甚薄是年秋奔江陵元帝承制  
除御史中丞遂遭父喪時年四十承聖元年壬申四十

一歲轉右衛將軍襲爵武康縣侯加散騎常侍承聖三年甲戌四十二歲聘于西魏屬大軍南討遂留長安是年魏師來伐岳陽王率衆會之江陵陷魏人戕帝立蕭詧為梁王都江陵獻俘長安信為魏相安定公所知其老幼入闕特蒙禮送由是烝烝色養矣即以是年仕魏拜持節撫軍將軍右金紫光祿大夫都督尋進車騎大將軍儀同三司敬帝太平元年魏恭帝之三年也魏禪周二年梁亦禪陳於是陳氏王江表矣周孝閔帝踐祚

時年四十有五封臨清縣子邑五百戶除司水下大夫  
出為弘農守遷驃騎大將軍開府儀同三司司憲中大  
夫進爵義城縣侯周閔帝即世明帝立帝好文學深加  
優禮武成二年四十七歲與王褒庾季才等竝為麟趾  
學士得預校書俄拜洛州刺史明帝崩武帝立亦復好  
之如明帝焉建德四年陳之太監七年也南北通好陳  
氏乃請王褒及信十數人高祖惟放王克殷不害等信  
及褒竝惜而不遣時年已六十四矣建德六年猶治洛

州尋徵為司宗中大夫宣帝大象元年己亥六十七歲  
以疾去職是年滕王道撰集二十卷靜帝大定元年即  
隋開皇元年辛丑六十有九卒自梁武帝天監十二年  
至隋開皇元年凡六十九年謹纂年譜四十五歲敬帝  
太平二年以上梁未亡時皆取南朝正朔每年附錄東  
西二魏及岳陽西附江陵立故主之仇陳氏南遷建鄴  
蹈讓王之轍子山既餐周粟此二十三年用後周年號  
末附梁陳二主猶魏志也信仕周位望通顯凡歷二十

八年以壽終信事母以孝聞惟丁母憂未詳何年其孝情毀至曾為晉公所嘆當在護誅之前建德以上事也餘備列年譜南北二史凡于子山集中有相發明者亦兼及之昔漢有二帝魏稱三祖求之異代且曰才難信在江南則有梁武帝二子簡文元帝及過江北則有周太祖二子世宗高祖竝新情艷發雅辭雲委又得滕趙諸王周旋款至皆一時之俊君臣酬唱之際文人遇合可謂至矣





庾子山集卷首上

庾子山集卷首下

錢塘倪璠纂註

北史本傳

庾信字子山南陽新野人祖易

周書本傳云蘇徵士

父肩吾

周書云梁

散騎常侍中書令

竝南史有傳

注見滕王序

信幼而俊邁聰敏絕人

倫博覽羣書尤善春秋左氏傳身長八尺腰帶十圍容

止頽然有過人者

周書此下云起家湘東國常侍轉安南府參軍時肩吾為梁太子中庶子

掌管記

云云父肩吾為梁太子中庶子掌管記東海徐摛為

右衛率搞子及信竝為抄撰學士父子東宮出入禁闥

恩禮莫與比隆既文並綺艷故世號徐庾體焉

南史曰徐摛字

士秀東海剡人也晉安王綱入為皇太子轉家令兼管記尋帶領直搞文體既別春坊盡學之宮體之號自斯而始子陵字孝穆王立為皇太子東宮置學士陵充其選北史文苑傳曰徐陵庾信分路揚鑣其意淺而繁其文匿而采辭尚輕險情多哀思文中子曰徐陵庾信古之夸人也其文誕按徐庾並稱蓋子山江南少作宮體之文也及至江北而庾進矣是以輕險之目楚既失之夸誕之評齊未為得

當時後進競相

模範每有一文都下莫不傳誦累遷通直散騎常侍

周書

曰累遷尚書度支郎中通直正員郎出為郢州別駕尋遷通直散騎常侍

聘於東魏文章辭

令盛為鄴下所稱

梁大通六年魏武帝永熙三年魏武帝西都長安為西魏高歡別奉清河

王庶子善見為主徙都鄴是為東魏魏於是始分為兩隋書地志曰魏郡鄴縣東魏所都按子山聘魏南史梁書紀年闕文考魏齊諸書子山副徐君房將命至鄴魏令祖孝隱盧孔景等宴梁使故集中有將命至鄴酬祖正員詩祖正員即祖孝隱也及魏使尉瑾魏肇師來聘梁朝又令庾信徐君房同宴魏使其文章辭令皆足稱也北齊書祖珽傳云珽弟孝隱魏末為散騎常侍迎梁使時徐君房庾信來聘名譽甚高魏朝聞而重之接對者多取一時之秀盧孔景之徒並降階攝職更遞司賓酉陽雜俎云梁徐君房勸魏使尉瑾酒一翁即盡笑曰奇快瑾曰卿在鄴飲酒未嘗傾危武州已來舉無遺滴君房曰我飲實少亦是習慣微學其進非有由然庾信曰庶子年之高卑酒之多少與時升降使不可得而度魏肇師曰徐君房年隨情少酒因境多未知方十復作若

為重輕又云梁宴魏使魏肇師舉酒勸陳昭曰此席已  
後便與卿少時阻濶念此甚以悽眷昭曰我欽仰名賢  
亦何已也路中都不盡深心便乖隔泣歎如何俄而酒  
至鸚鵡杯徐君房飲不盡屬肇師肇師曰海蠡蛇蛭尾  
翅皆張非獨為玩好亦所以為罰卿今日真不得辭責  
信曰庶子好為術數遂命更滿君房謂信曰相持何乃  
急肇師此謂直道而行乃非豆萁之喻君房乃覆碗信  
謂瑾肇師曰適信家餉致濡醪酒數器泥封全但不知  
其味若為必不敢先嘗謹當奉薦肇師曰每有珍藏多  
相費累顧更以多慚又曰庾信作詩用西京雜記事旋  
自追改曰此吳均語恐不足用也魏肇師曰古人託曲  
者多矣然鸚鵡賦稱衡潘尼二集並載奕賦曹植左思  
之言正同古人用意何至於此君房曰詞人自是好相  
採取一字不異良是後人莫辯魏尉瑾曰九錫或稱王  
祭六代亦言曹植信曰我江南才士今日亦無舉世所  
推如溫子昇獨擅鄴下常見其詞筆亦足稱是遠名近

得魏收數卷碑製作富逸特是高才也按子山為通直散騎常侍聘魏及還為正員郎魏人來聘對宴魏使其文章辭還滕王迥序還本為東宮學士領建康令隋志

郡建康縣侯景作亂梁簡文帝命信率宮中文武千餘人營

於朱雀航及景至信以衆先退

南史賊臣傳曰侯景魏朔鎮人也事爾朱榮為

定州刺史高歡誅爾朱氏景以衆降稍至吏部尚書歡使擁兵十萬專制河南仗任若已之半體太清元年二月遣其行臺郎中丁和上表求降帝封景河南王大將軍使持節督河南北軍事大行臺承制如鄧禹故事二年八月景遂發兵反建康令庾信率兵千餘人屯航北及景至徹航始除一舶見賊軍皆著鐵面遂棄軍走南塘游軍復閉航度景皇太子以所乘馬授王質配精兵三千使援庾信質至領軍府與賊遇未陣便奔景乘勝

至關 臺城陷後信奔於江陵

臺城本吳後苑城晉建康宮城江陵漢南郡江陵是

梁元帝承制除御史中丞及即位轉右衛將軍封武康

縣侯加散騎侍郎

周書作常侍

聘於西魏

周書作來聘於我以其為一代耑史

也今以子山之志故錄是篇若春秋鄭志宋志矣

屬大軍南討遂留長安江陵

平累遷儀同三司

周書云江陵平拜使持節撫軍將軍右金紫光祿大夫大都督尋進車騎

大將軍儀

周孝閔帝踐祚封臨清縣子

周書邑五百戶

除司水

同三司

下大夫出為弘農郡守遷驃騎大將軍開府儀同三司

司憲中大夫進爵義城縣侯俄拜洛州刺史信為政簡

靜吏人安之

周書為政簡靜上有多識舊章四字

時陳氏與周

周書作朝廷

通

好南北流寓之士各許還其舊國陳氏乃請王褒及信

等十數人武帝惟放王克殷不害等

周書列傳曰王褒字子淵琅邪臨沂

人也美風儀善談笑博覽史傳尤工屬文元帝出降褒興王克劉毅宗懷殷不害等數十人俱至長安世宗即位篤好文學時褒與庾信才名最高特加親待帝每遊宴命褒等賦詩談論常在左右南史列傳曰王克美容貌善容止仕梁歷司徒右長史尚書僕射臺城陷仕侯景位太宰侍中錄尚書事景敗克迎候王僧辯僧辯誚克曰王氏百世卿族便是一朝而墜仕陳位尚書右僕射又孝義傳曰殷不害字長卿陳郡長平人也性至孝事老母養小弟勤劇無所不至魏平江陵失母所在時天寒雪凍死者填滿溝壑不害行哭尋求聲不暫輟過



見死人溝中即投身捧視舉體凍僵水漿不入口者七日始得母尸即江陵權殯與王褒庾信俱入長安自是蔬食布衣枯槁骨立見者莫不哀之太建七年自周還陳除司農卿位至給事中是陳氏請褒及信在太建七年周武帝之信及褒竝惜而不遣尋徵為司宗中大夫建德四年也

周書武帝紀云保定四年五月丁亥改禮部為司宗

明帝武帝

周書作世宗高祖稱其廟號也竝

雅好文學信特蒙恩禮至於滕趙諸王

滕王迥趙王招也

周旋

款至有若布衣之交羣公碑誌多相託焉惟王褒頗與

信埒自餘文人莫有逮者

周書論曰王褒庾信奇才秀出牢籠於一代是時世宗雅

詞雲委滕趙二王雕章問發咸築宮虛館有如布衣之交由是朝廷之人閭閻之士莫不忘味於遺韻眩精於

末光猶丘陵之仰嵩岱川流之宗溟渤也然則子山之  
文發源於宋末盛行於梁季其體以淫放為本其詞以  
輕險為宗故能誇目侈於紅紫蕩心逾於鄭衛昔揚子雲  
有言詩人之賦麗以則詞人之賦麗以淫若以庾氏  
方之斯又詞賦之罪人也按子山少年宮體之作當時  
習稱徐庾及至晚年又與王褒並埒而後世無庾王之  
目若欲品藻斯文子山之作求之六季罕有其儔徐王  
二家難可提衡矣至其鄉閬之文竝多哀思是亦大雅  
之遺而令狐以為誇目蕩  
心詞賦之罪殆不然矣

信雖位望通顯常作鄉閬之

思乃作哀江南賦以致其意

周書備載其文

大象初以疾去職

大象周宣

隋開皇元年卒有文集二十卷

隋開皇元年即周靜帝大

帝年號

定元年也靜帝禪位於隋改元開皇信卒時年六十九  
歲按此及滕王序竝稱文集二十卷惟隋書經籍志稱

後周開府儀同庾信集二十一卷疑隋平陳以後得揚都  
之文較滕王本增多一卷也周書卒不紀年亦不記其  
文集此為  
較詳矣  
文帝悼之贈本官加荆雍  
周書  
二州刺史子

立嗣

謝趙王啟云某息荀娘荀娘疑即庾立小字舊唐  
書賊薛舉傳曰仁果舉長子也多力善騎射軍中

號萬人敵然所至多殺人納其妻妾獲庾信子立怒其  
不降礮于猛火之上漸割以啖軍士按此知立亦志節  
之士也

# 原序

滕王迥周文帝子也周書列傳曰滕閭王迥字  
爾固突少好經史解屬文武成初封滕國公建  
德三年進爵為王六年為行軍總管與齊王憲  
征稽胡迥破其渠帥穆友等還除河陽總管宣

政元年進位上柱國其年伐陳詔追為元帥節  
度諸軍事大象元年五月詔以荊州新野郡邑  
萬戶為滕道出就國明年朝京其年冬為隋文  
帝所害國除追所著文章頗行於世按此序  
大象元年滕王在新野時作所撰止魏周著述  
不及梁時蓋以太清罹亂江陵兵燹之故今集  
中多雜南朝舊作又非滕王故本矣序  
出文苑英華今錄為弁首加注釋焉

蓋聞五聲調應則宮徵成其文

左傳晏子曰五聲六律杜預注云五聲宮商角

徵羽八音克諧則絃管和其韻

尚書曰八音克諧周禮大師職云八音金石土革絲

木匏竹也

所以周南召南之篇為風人之首小雅大雅之作

實王政之由

子夏詩序曰關雎后妃之德也風之始也雅者正也政有大小故有大雅焉有小雅

馬詩譜曰周召者禹貢雍州岐山之陽地名大雅小雅者周室居西都豐鎬之時也復其英華疑作有

陽春白雪之唱郢中之曲彌高

宋玉對問曰客有歌於郢中者其為陽春白雪

國中屬而和者不過數十人其曲彌高其和彌寡

秋風黃竹之詞伊上之才尤

盛

穆天子傳曰天子遊黃臺之丘獵於葦澤有陰雨天子乃休日中大寒北風雨雪有凍人天子作詩三章

以哀之曰我徂黃竹員閔寒乃宿於黃竹孔安國曰伊水出陸渾山地理志云伊水出弘農盧氏縣東熊耳山東北入洛時穆王都西京故曰伊上遂能弘孝敬敘人倫移風俗化天下

兼夫吟詠情性沉鬱文章者可畧而言也

楊雄為方言劉歆與雄書

曰非子雲澹雅之才沉鬱之志不能成此書

開府司宗中大夫義成

周書作城公

庾信字子山南陽新野人也

周書武帝紀云保定四年五月改禮部為司宗隋書

地理志襄陽郡穀城縣舊曰義城置義城郡又西魏益州有義城郡義城縣庾氏之先本鄢陵人晉世居新野元帝時徙江陵周書北史及此序皆云南陽新野以其本新野人蓋西晉時邑居也注見哀江南賦若夫

有周之時掌庾原其得姓皇晉之代大尉聞其宗譜

左氏

傳曰獻太子之傳庾皮之子過是庾氏得姓之先為掌庾大夫在於有周之時哀江南賦云掌庾承周矣詩大雅甫田曰曾孫之庾又楚茨云我庾維億毛傳曰露積曰庾鄭箋曰庾露積穀也周語曰野有庾積包咸論語注曰十六斗為庾史記文帝紀曰發倉庾如淳曰水漕倉曰庾胡廣漢官解詁曰在邑為倉在野為庾索隱曰郭璞注三蒼云庾倉無屋也或云堯時有掌庾大夫以官命氏按梁元帝庾承先墓誌云悠哉掌庾興自陶唐

伯舅居晉連錫濁陽謂唐堯時已有掌庾至太尉庾亮為晉外戚也晉書曰庾亮字元規明穆皇后之兄咸康六年薨贈太尉亮父琛在外戚傳琛永嘉初為建威將軍過江為會稽太守子山八世祖滔亦隨晉元帝過江為散騎常侍且滔未徙江陵之先滔居新野而明穆皇后之族家于耶陵是太尉亮乃信遠祖之族非其本祖也以其晉氏叔房氏族極盛故稱引之云聞其宗譜矣

### 烏奕氤氲布在方策國史

### 家牒世竝詳焉

班固典引曰烏奕乎千載注蔡邕曰烏奕光曜流行貌呂向曰烏長奕盛也周

易曰天地氤氲萬物化生禮記鄭注云方版也策簡也說文曰牒札也

### 八世祖滔散騎常

### 侍領大著作遂昌縣侯

晉書地理志遂昌縣屬東陽郡北史庾季才傳云八世祖滔隨

晉元帝過江官至散騎常侍封遂昌縣侯徙居南郡江陵哀江南賦云彼淩江而建國始播遷於吾祖分南陽

而賜田裂東岳而胙土誅茅宋王之宅穿徑臨江之府  
是湣為徙居江陵一代之祖也梁元帝庾肩吾墓誌云  
掌庾命族世濟琳琅遂昌開國嬋聯冠冕是也祖易徵士隱遯無悶確乎不拔

二語  
出易

宋終齊季早擅英聲

南史列傳曰庾易字幼簡新野人也徙居江陵易志性恬

靜不交外物齊臨川王映表薦之餉麥百斛易辭不受  
以文義自樂安西長史表承映其風贈以鹿角書格蚌  
盤硯白象牙筆并贈詩曰白日清明青雲遶亮昔聞巢  
許今覩臺尚易以連理几竹翹書格報之建武三年詔  
徵為司空主簿不就卒梁元帝庾肩吾墓誌云父易高  
尚其道肥遁居貞闕吏早逢夙表真人之氣少微晚映  
還彰隱士之星哀江南賦亦稱其祖為少微真人天山  
逸民矣劉氏國號曰宋蕭氏國號曰齊言易在宋齊二  
代有盛名也

父肩吾散騎常侍中書令文宗學府智囊義窟



# 鴻名重譽獨步江南

梁書列傳曰庾肩吾字子慎八歲能賦詩特為兄於陵所友愛初為

晉安王國常侍王每徙鎮肩吾常隨府歷王府中郎雲麾參軍並兼記室參軍中大通三年王為皇太子兼東宮通事舍人除安西湘東王錄事諮議參軍俄以本官領荊州大中正累遷中錄事諮議參軍太子率更令中庶子初太子在藩雅好文學時肩吾與東海徐摛等同被接賞及居東宮又開文德省置學士肩吾子信摛子陵等充其選太清中侯景寇京都及太宗即位以肩吾為度支尚書時上流諸蕃並據州拒侯景景矯詔遣肩吾喻當陽公大心大心尋舉州降賊肩吾因逃入建昌久之方得赴江陵未幾卒文集行於世南史本傳云肩吾字慎之為晉安王國常侍王每徙鎮肩吾常隨府在雍州及奔江陵歷江州刺史領義陽太守封武康侯卒贈散騎常侍中書令餘同梁書梁元帝集中有中書令庾肩吾墓誌銘後漢書崔駰傳贊曰崔為文宗世擅雕

龍史記曰秦穆里子號智囊漢書曰晁錯號智囊後漢書曰魯匡王莽時為義和有術數號智囊晉書曰宣帝舉兵廢曹爽桓範出赴喪宣帝曰智囊往矣又杜預號智囊義廩未詳江南楚地戰國時荆郢間俱稱江南肩吾家本江陵京江南賦措模盛於漳濱亦謂江陵也或昭或穆七世舉秀才且珪

且璋五代有文集貴族華望盛矣哉

七世自滔至肩吾凡七世也五代肩

吾肩吾父易易父道驥驥父孜孜父某凡五代也孜孜父未詳昭穆如父為昭子為穆左傳文之昭也武之穆也詩大雅云如珪如璋令聞令望謝承後漢書曰郭林宗嘆劉儒有珪璋之質南史庾於陵文集十卷隋書經籍志梁庾支尚書庾肩吾集十卷其餘文集史或缺文按此知子山以上五代皆有文集也按文苑英華本此下有幼而清惠唯良之美稱共治之能十三字接佩犢帶牛有侔襲遂至王公名貴盡為虛襟接信降山嶽之

隆緼烟霞之秀至出為弘農守職實剖符寄深分竹下  
接加以冥心資敬篤信天倫云云以子山少長爵秩推  
之明是錯簡今為改正  
仍存舊本以備參考  
信降山嶽之靈英華作隆緼烟霞之

秀器量侔瑚璉志性甚松筠

論語曰瑚璉也鄭注曰黍稷器夏曰瑚殷曰璉世說

曰謝混問羊孚何以器舉瑚璉羊曰故當以為接神之器

妙善文詞尤工詩賦窮緣

情之綺靡盡體物之瀏亮

陸機文賦曰詩緣情而綺靡賦體物而瀏亮

誅奪

安仁之美碑有伯喈之情箴似揚雄書同阮籍

晉書曰潘岳字

安仁辭藻絕麗尤善為哀誄之文續漢書曰蔡伯喈為  
郭林宗作碑曰吾為人作銘未嘗不有慚容惟有郭有  
道碑頌無愧耳後漢書曰初楊雄依虞箴作十二州二  
十五官箴其九箴亡闕後涿郡崔駰及子瑗劉騶餘增

補十六篇胡廣復作四篇名曰百官箴凡四十八篇世  
說曰魏朝封晉文王為公備禮九錫文王固辭不受公  
卿將校當詣府敦諭司空鄭中馳遣信就阮籍求文籍  
時在袁孝尼家醉扶起書札為之無所點定乃寫付使  
時人以  
為神筆  
少而聰敏綺年而播華譽齒歲而有俊名孝性

自然仁心獨秀忠為令德言及文詞穿壁未勤映螢愈

甚  
西京雜記曰匡衡字穉圭勤學而無燭隣舍有燭而

不逮衡乃穿壁引其光以書映其光而讀之續晉陽

秋曰車胤字武子南平人胤就業恭勤博覽不倦家

貧不常得油夏月則練囊盛數十螢火以繼日焉 若

乃德聖兩禮韓魯四詩

漢書儒林傳曰梁戴德延君戴

聖號小戴以博士論石渠至九江太守由是禮有大戴

小戴之學又曰韓嬰燕人孝文時為博士景帝時至常

山太傅嬰推詩人之意而作內外傳燕趙間言詩者由韓生又曰申公魯人也獨以詩經為訓事景帝為太子太傅免去武帝使安車蒲輪東帛加璧徵魯申公云四詩者漢書藝文志曰漢興魯申公為詩訓詁而齊轅固燕韓生皆為之傳三家皆列于學宮又有毛公之學按魯申公齊轅固燕韓生三家加趙人毛公此四詩也志又云詩經二十八卷魯韓齊三應劭曰申公作魯詩后蒼作齊詩韓嬰作韓詩按此三詩加毛公作毛傳亦四詩也

**九流七畧之文萬卷百家之說**

漢書曰九流有儒家流道家流陰陽家流

法家流名家流墨家流從橫家流雜家流農家流又曰劉歆總羣書而奏其七畧故有輯畧有六藝畧有諸子畧有詩賦畧有兵書畧有數術畧有方技畧博物志曰蔡邕有書近萬卷淮南子曰百家異說各有所出後漢書伏湛傳曰永和元年詔無忌與議郎黃景校定中書五經諸子百家藝術注云中書內中之書也藝文志諸

子凡一百八十九家  
言百家舉其成數也  
名山海上金匱玉版之書魯壁魏

墳縹帙紺囊之記

司馬遷報任安書曰僕誠著此書藏諸名山後漢書曰荀爽遺黨銅隱於

海上又遁漢濱以著書為事題為新書凡百餘篇任昉  
王文憲集序云海上名山之旨是也太史公序曰石室  
金匱之書索隱曰國家藏書之處漢書鼂錯傳曰平陽  
侯宙等曰刻於玉版藏於金匱後漢書張衡傳曰清河  
宋景以厯推言水災偽稱洞視玉版漢書魯恭王傳曰  
恭王好治宮室壞孔子舊宅以廣其宮聞鐘磬琴瑟之  
聲遂不敢壞於其壁間得古文經傳王隱晉書束皙傳  
曰太康元年汲郡民盜發魏安釐王冢得竹書漆字科  
斗之文有周易上下經二卷紀年十二卷瑣語十一卷  
周王遊行五卷說穆王遊行天下之事今謂之穆天子  
傳郭璞穆天子傳序曰太康二年汲縣民不准盜發古  
塚所得書也汲者戰國時魏地也案所得紀年蓋魏惠

成王子令王之冢也於世本蓋裏王也亦見杜預春秋後序梁昭明文選序云詞人才子則名溢於縑囊飛文染翰則卷盈乎緗帙呂向曰縑青白色囊有底袋也用以盛書緗淺黃色也帙書衣也劉熙釋名曰緗桑也如桑葉初生之色也縑猶漂漂淺青也有碧縑有天縑有骨縑各以其色所象言之也莫不窮其枝

葉誦其篇簡

言以上諸書皆能窮究也

豈止仲任一見之敏世叔五

行之速

後漢書曰王充字仲任會稽上虞人也家貧無書常游洛陽市肆間所賣書一見輒能誦憶遂

博通衆流百家之言又曰應奉字世叔汝南南頓人也少聰明自為童兒及長凡所經履莫不暗記讀書五行俱  
強記獨絕博物不羣年十五侍梁東宮講讀

為梁昭明太子

東宮講讀也時梁武帝大通元年哀江南賦云王子濱洛之歲蘭成射策之年始含香於建禮仍矯翼於崇賢

是東宮講讀  
時年十五矣

雖桓驎十四之歲答宿客之詩

文士傳曰桓驎伯父

烏官至太尉驎年十二在座烏告客曰吾此弟子知有異才殊能作詩賦客乃作詩曰甘羅十二楊烏九齡昔惟二子今則桓生驎即應聲答曰邈矣甘羅超等絕倫伊彼楊烏命世稱賢嗟予蠢弱殊才偉年仰慚二子俯愧過

魯連十二之年杜堅離之辨

魯連子曰齊辯士田巴服沮丘議稷下毀

五帝罪三王服五霸離堅白合同異一日服千人有徐劫者其弟子曰魯仲連年十二號千里駒往請田巴曰臣聞堂上不奮郊草不芸白刃交前不救流矢急不暇緩也今楚軍南陽趙伐高唐燕人千萬聊城不去國亡在旦夕先生奈之何若不能者先生之言有似梟鳴出城而人惡之願先生勿復言田巴曰謹聞命矣巴謂徐劫曰先生乃飛兔也豈直千里駒巴終身不談

匪或斯尚同日語哉

言桓驎魯連二子不



是過也

玉墀射策高等甲科公孫金馬之時仲舒鴻漸之

日未能連類會何足云

漢書曰匡衡射策甲科以不應令除為太常掌故師古曰儒林

傳說歲課甲科為郎中乙科為太子舍人丙科補文學

掌故又漢書曰公孫弘拜為博士待詔金馬門揚雄解

嘲云公孫創業於金馬是也漢書贊曰公孫弘卜式兒

寬皆以鴻漸之翼困於燕雀又云儒雅則公孫弘董仲

舒兒

解褐授安南府行參軍尺木未階高衢方騁

吳志太史

慈傳注云孫策出教曰龍欲騰翥先階

尋轉尚書度支

尺木王粲登樓賦曰假高衢而騁力

郎中壯歲精練必以吏能上象列宿非因忿氣

漢官典職云尚

書郎初從三署詣臺試初上臺稱守尚書郎中歲滿稱

尚書郎三年稱侍郎凡三十三人選吏能者為之華嶠

後漢書曰館陶公主為子求郎不許賜錢千萬明帝謂羣臣曰夫郎中上應列宿出守百里苟非其人則民受殃

其夜不離閣無愧於黃香開霧觀天有同於樂廣

後漢書曰

黃香字文強江夏安陸人也嘗獨止宿臺上晝夜不離省閣王隱晉書曰樂廣字彥輔南陽潯人也為尚書令衛瓘見而奇之命諸子造焉曰每見此人瑩然若開雲霧觀青天

仍為郢州別駕刺史

之半驥足斯展

郢州漢之江夏吳曰武昌是也隋志江夏郡舊置郢州庾亮答郭豫書曰別駕舊

與刺史別乘同宣王化於萬里者其任居刺史之半安可任非其人蜀志吳將魯肅遺先主書曰龐士元非百里才也使處治中別駕於時江路有賊梁先主使信與之任始當展其驥足耳

湘東王論中流水戰事醜徒聞其名德遂即散奔深為

梁主所賞

南史武帝紀云大同八年春安城郡人劉敬躬挾左道以反江州刺史湘東王繹遣中兵

曹子郢討擒之送於都斬之建康市哀江南賦云論兵於江漢之君是也先主梁武帝也梁書云天監十三年

立皇子繹

蓋善戰者不陣此之謂乎

穀梁傳曰善師者不陣善陣者不戰

為湘東王

注云帥衆素嚴不

兼通直常侍使於魏土接對有才辨

須耀軍列陣也

本傳聘於東魏文章辭令甚為鄴下

雖子貢之旗鼓陳

所稱賦云拭玉於西河之主是也

說仲山之專對智謀無以加也

史記曰端木賜衛人字子貢利口巧辭一出存

魯亂齊破吳彊晉而霸越韓詩外傳曰孔子遊於景山之上子路子貢顏淵從孔子曰登高必賦小子願言者何其願丘將啟汝子貢曰兩國構難壯士列陣塵埃漲天賜不持一尺之兵一斗之糧解兩國之難用賜者存

不用賜者亡孔子曰辯士哉詩大雅蒸民云保茲天子  
生仲山甫又曰王命仲山甫式是百辟出納王命王之  
喉舌賦政於外四方爰發肅肅王命仲山甫將之  
邦國若否仲山甫明之毛傳曰仲山甫樊侯也還本

國為正員郎職位清顯以望以實又為東宮領直春宮

兵馬竝受節度龍樓蘭錡寵寄逾隆

本傳云為東宮學士哀江南賦云遂

崇文而會武又有掌兵典午之詞知東宮領直節度兵  
馬故簡文帝命信率宮中文武千餘人是其任兼文武  
者也漢書成帝紀曰上常急召太子出龍樓門張宴曰  
門樓上有銅龍若白鵲飛廉之為名也西京賦曰武庫  
禁兵設  
在蘭錡值侯景篡逆攻圍淮海建康宮殿非無流矢之

兵丹陽帝居遂有生荆之痛

梁書帝紀云太清元年侯景陷建業二年臺城陷三

年武帝崩簡文帝即位改元為大寶元年冬十月侯景逼帝幸西州曲宴自加宇宙大將軍都督六合諸軍事二年廢帝為晉安王矯帝詔以為次當支庶宜歸正嫡禪位於豫章王棟使呂季羃令帝寫之帝書至先皇念神器之重思社稷之固越升非次遂主震方嗚咽不能自止賊衆皆為掩泣乃幽帝於永福殿省冬十月帝崩景以辛未年十一月十九日篡位建康梁之所都漢之丹陽郡也隋志丹陽郡江寧梁置丹陽郡及南丹陽郡有秣陵建康同夏三縣禮記曰魯莊公及宋人戰於乘丘縣賁父御馬驚敗績縣賁父死之國人浴馬有流矢在白肉公曰非其罪也遂誅之淮南子曰白刃合流矢接呂氏春秋云子胥曰嗟乎吳朝必生荆棘矣漢書伍被曰臣今見

出往上海來歸全楚

本傳侯景作亂梁簡文帝命信率宮中文

武千餘人營於朱雀航及景至信以衆先退臺城陷後信奔於江陵江陵楚地漢書項籍傳曰古之王者地方

千里必據上游文穎曰水之流上游或作流漢書音義曰舊名江陵為南楚吳為東楚彭城為西楚時元帝承制江陵統屬三楚故云來歸全楚於時州后即湘東王

梁元帝也時元帝承制江陵

其後封豕既誅長蛇受戮湘東有雪恥之功淮海有勤王之旅同少康之復夏若太戊之紹殷即於荆江驟置

文物

梁書元帝紀云大寶二年九月簡文帝崩王僧辯等奉表勸進帝不許而四方表勸前後相屬乃下

令斷表承聖元年二月王僧辯衆軍發自潯陽帝馳檄四方購獲景封萬戶開國公絹布五萬疋三月僧辯等平景傳首江陵斬賊左僕射王偉於江陵市四方征旗王公卿士復勸進乃許之即位於江陵左氏傳曰吳為封豕長蛇流災上國封豕喻侯景也湘東雪耻謂平侯景也淮海勤王謂王僧辯等軍也左傳狐偃曰求諸侯

莫如勤王又哀元年伍員謂吳子曰昔有過澆滅夏后  
相后緡方娠逃出自竇歸於有仍生少康焉逃奔有虞  
有田一成有衆一旅以収夏衆遂滅過戈復禹之績史  
記曰殷道衰諸侯或不至帝太戊伊陟為相殷復興諸  
侯歸之故

復為梁後主蕭繹御史中丞

繹梁元帝諱也  
本傳元帝承制

稱中宗

除御史中丞晉書職官志曰御史中丞本秦官也秦時

御史大夫有二丞其一御史丞其一為中丞中丞外督

部刺史內領侍御史受公卿奏事舉劾按章漢因之元

壽二年御史中丞為臺主歷漢東京至晉因其制以中

丞為

中興司直具瞻所在

詩云邦之司直  
又云民具爾瞻

貴戚斂手豪

臺主

族屏氣

後漢書曰鮑永為司隸校尉鮑恢為都官從事  
帝曰貴戚且宜斂手以避二鮑謝承後漢書曰

吳郡王闕為冀州刺史不畏豪族後漢書曰

遷散騎常

李膺拜司隸校尉諸黃門常侍皆鞠躬屏氣

侍右衛將軍豐貂右弭戎章再徙

應劭漢官儀曰侍中金蟬右貂貂取內勁

悍而外溫潤王隱晉書曰顧凱之拜散騎常侍表云不悟陛下聖恩所加登之常伯之列飾以貂璫之暉戎章再徙謂為右

衛將軍也

阮籍非好之職鄭默參乘之官

晉書阮籍傳曰高貴

鄉公即位封關內侯散騎常侍籍本有濟世志屬晉魏之際天下多故名士少有全者籍由是不與世事遂酣飲為常又鄭默傳曰默為散騎常侍武帝出祀南郊詔使鄭默駟乘著德廊廟切問近對

史記曰賢人深謀於廊廟爾雅曰室有東西廂曰廟狹為舍人曰殿有東西小堂也蔡質漢儀曰侍中常伯切

問近對喻旨公卿

拜武康縣開國侯

晉書地理志云吳興郡武康縣故防風氏國

開

國承家信圭是執河帶山礪貽厥於后

謂肩吾封武康縣侯子山襲父



爵也周易師卦云大君有命開國承家周禮諸侯之禮  
執信圭漢書功臣表封爵之誓曰使黃河如帶泰山若  
礪國以永存爰及苗裔應  
劬曰帶衣帶也礪砥礪也  
即以本官奉使大國  
謂聘使  
西魏也

光華重出原隰再來

詩云皇皇者華於彼原隰

太祖夾輔魏朝作相

關右

太祖周太祖宇文泰魏之安定公也高歡之亂太祖奉帝都長安故曰作相關右

三分有

二九合一匡

出論語

德邁晉宣雄踰魏武

晉宣帝司馬懿魏武帝曹操也

謂周太祖將有魏室功

功高網地道映在田

呂氏春秋曰湯見祝

業過於晉魏二君也

網者置四面湯收其三面置其一面漢南之國聞之曰

湯之德及禽獸矣四十之國歸之人置四面未必得鳥

湯去其三面以網其國四十非徒網鳥

亦見子山賜職

也易曰見龍在田利見大人君德也

如舊屬我太祖獻策魏帝命將荆衡

謂平江陵也元帝紀云先是魏使宇

丈仁恕來聘帝接仁恕有闕魏相安定公憾焉使于謹來攻是江陵之師為周太祖獻策也安定公周太祖也

尋值本朝青蓋入洛

續漢志曰王車朱班輪青蓋左右駢駕三馬本朝謂周也時未受禪

為王爵故曰青蓋

於是拾節入仕乃沐霸恩改授使持節車騎

大將軍儀同三司戎號光隆比儀台鉉

天文志有三台周易云鼎玉鉉

高官美宦有踰舊國

舊國謂梁也莊子曰舊都舊國

又遷驃騎大將軍

開府義城公王沉晉代始授此榮黃權魏時首膺斯命

晉書曰王沉字處道太原晉陽人也武帝受禪以使命之勲轉驃騎將軍進爵為公蜀志曰黃權字公衡巴西

閭中人也先主以權為鎮北將軍督江北軍以防魏師  
先主自在江南及吳將軍陸議乘流斷圍南軍敗績先  
主引退而道隔絕權不得還故率將所領降  
於魏景初三年權遷為車騎將軍儀同三司  
降在季世

秩居上品爵為五等榮貴兩朝

晉書職官志曰開府儀同三司漢官也殤帝延

平元年鄧騭為車騎將軍儀同三司儀同之名始自此  
也及魏黃權以車騎將軍開府儀同三司開府之名起  
於此也騭騎車騎將軍開府者皆為位從公諸公及開  
府位從公者品秩第一五等公侯伯子男也兩朝謂魏  
周也  
出為弘農郡守職實剖符寄深分竹

本傳云周孝閔踐祚封臨清縣

子除司水大夫出為弘農郡守隋志云河南陝縣後魏  
置陝州弘農郡又志稱弘農郡弘農舊置西恒農郡後  
周廢漢書文帝紀曰初興郡守為銅虎符竹使符張宴  
曰符以代古之圭璋從簡易也師古曰興郡守為符者

謂各分其半右留

佩犢帶牛有侔糞遂

漢書曰糞遂為勃海太守躬率

京師左以與之

以儉約勸民務農桑民有帶持刀劍者使賣劍買牛賣

刀買犢曰何為帶牛佩犢春夏不得不趨田畝秋冬課

收斂益畜果實菱芡勞來循行郡中

皆有畜積吏民皆富實訟獄息止

桑枝麥穗無謝張

堪

後漢書曰張堪字君游光武時為漁陽太守捕擊姦滑賞罰必信吏民皆樂為用乃於狐奴開稻八十餘

頃勸民耕種以致殷富百姓歌之曰桑

無附枝麥穗兩岐張君為政樂不可支

入為司憲中大

夫帥掌三勅之法助宣五禁之書秋府得人於斯為盛

易曰君子以明罰勅法三勅疑作三刺禮記曰司寇正

刑明辟以聽獄訟必三刺鄭注一曰訊羣臣二曰訊羣

吏三曰訊萬民周禮司刺掌三刺三宥三赦之法又曰

士師掌國之五禁之法以左右刑罰一曰宮禁二曰官

禁三曰國禁四曰野禁五曰軍禁皆以木鐸徇之於朝書而懸於門閭秋府謂司憲大夫即古秋官司冠之職也

嘗正旦上府賦詩曰詰旦啟門闌繁辭擁筆端蒼鷹下獄吏獬豸飾刑官司朝引玉節盟載捧珠盤窮紀星移次歸餘律未殫雪高三尺厚冰深一丈

英華作寸

寒短筍

猶埋竹香心未起蘭孟門久失路扶搖忽上搏栖鳥還得府棄馬復歸欄榮華名義重虛薄報恩難故乘還起疾貢禹遂彈冠方垂蓮葉劍未用竹根丹一知玄象法詎思垂釣竿

注見第四卷詩集

其王事之中優游如此出為洛

州刺史

隋志河南洛陽後魏置司州東魏置洛州後周置東京六府總管

德茂塞惟才

厲刺舉

後漢書曰賈琮為冀州刺史舊典傳車駉駕垂赤帷裳迎于州界及琮之部升車言曰刺史當

遠視廣聽

糾察美惡何有反垂帷裳以自掩塞乎乃命

御者塞之

百姓聞風者自然竦震其諸臧過者望風解

印綬去

漢官儀

吏不敢賄人不忍欺

後漢書曰楊震為荊州刺史知其民

曰刺舉其事

王密舉為茂才除昌邑縣令震改為東萊太守路經舊

徑密夜懷金十金奉公公不受密曰無知莫若夜公曰

天知神知我知汝知何謂無知漢

上洛童兒相逢郭伋

書曰韓延壽為東郡守民不忍欺

商山故老似值劉弘

後漢書曰郭伋在并州素給恩德及後入界所到縣邑老幼相攜始

至行部到西河美稷有兒童數百各騎竹馬道次迎拜

伋辭謝之及事訖諸兒復送至郭外問使君何日當還

假謂別駕從事計日當到之行部既還先期一日假為  
遲信於諸兒遂止於野亭須期乃入晉書曰劉弘字和  
季沛國相人也有幹畧政事之才太安中使持節南蠻  
校尉荊州刺史又為鎮南將軍都督荊州諸軍事討斬  
張昌悉降其眾弘勸課農桑寬刑省賦歲用有年百姓  
愛悅位至車騎將軍開府弘子璠為順陽內史江漢之  
間翕然歸心父老追思弘雖甘棠之詠召伯無以過也  
言子山在洛如郭伋之治并州劉弘之鎮襄陽也上洛  
商山皆洛州地漢書弘農郡  
有上洛縣四皓隱於商山

復為司宗中大夫總轄禮

府佐治春卿辨九拜之儀教六詩之義

周禮宗伯禮官之職云辨九摯

一曰稽首二曰頓首三曰空首四曰振動五曰吉摯六  
曰凶摯七曰奇拜八曰褒拜九曰肅拜以享右祭祀摯  
音拜又云教六詩曰風曰賦曰比曰興曰雅曰頌謂司  
宗大夫即古宗伯禮官之職是為春官故云禮府春卿

矣

自梁朝筮仕周世驅馳至今歲在屠維龍居淵獻春

秋六十有七

爾雅曰太歲在巳曰屠維在亥曰大淵獻蓋巳亥年也歲陽在巳謂歲干也歲陰在

亥謂歲支也時周宣帝大象元年巳亥歲也隋開皇元年辛丑信卒年六十九歲

齒雖耆宿文

更新奇才子詞人莫不師教王公名貴盡為虛襟加以

冥心資敬篤信天倫孝實人師刑推士則

世說曰陳仲舉言為士則

行為愠喜不形於色忠恕不離於懷

世說王戎云與嵇康居二十年未嘗

見其喜愠之色忠恕見論語

矜簡儼然師心獨往似陸機之愛弟若

韓康之養甥

晉書曰陸機字士衡弟雲字士龍又曰韓伯字康伯潁川長社人為殷浩甥浩素賞



愛之小園賦云韓康則甥舅不別是也此云韓康養甥當是康伯之甥按康甥卞鞠世說曰韓康伯母殷卞鞠是其外孫又曰韓康伯母隱古几毀壞卞鞠見几惡欲易之答曰我若不隱此女何以得見古物以韓伯字康伯故曰韓康與後漢

環堵之間怡怡如也

禮記曰環堵之室

屢

逸民韓伯休為異也

聘上國特為太祖所知江陵名士惟信而已綢繆禮遇

造次推恩明帝守文偏加引接武皇英主彌相委寄

本傳

世宗高祖竝雅好文學信特蒙禮遇

密勿王事多歷歲年自攜老入闕亟

移灰琯

晉書樂志曰取弘農宜陽金門竹為琯河內葭莩為灰以候氣氣至者灰去

烝烝色

養勤同扇席

尚書曰克諧以孝烝烝乂弗格姦滿岳聞居賦曰尚能違膝下色養而眉眉從斗筭

之役乎晉書曰王延事親盡色  
養夏則扇席冬則以負溫被

及丁母憂杖而後起病

不勝哀青鸞降宿樹之祥白雉有依欄之感

謝承後漢書曰方儲

字聖明幼喪父事母終自負土成墳種奇樹千株鸞

鳥止其上續漢書曰申屠蟠陳留外黃人九歲喪父哀

毀過禮廬於塚側

晉國公廟期受託為世賢輔

周書云晉蕩公

護字薩保太祖之兄邵惠公顯之少子也太祖西巡至

牽屯山遇疾馳驛召護護至涇州見太祖而太祖疾已

綿篤謂護曰吾形容若此必是不濟諸子幼小冠賊未

寧天下之事屬之於汝宜勉力以成吾志護涕泣奉行

至雲陽而太祖崩護秘之至長安乃發喪時嗣子沖弱

彊冠在近人情不安護綱紀內外撫循文武于是衆心

乃定孝閭踐祚拜

見信孝情毀至每日憫嗟嘗語人曰

大司馬封晉國公

庾信南人羈士至孝天然居喪過禮殆將滅性

禮記喪大記曰

毀不滅性不以死傷生也孝經曰毀不滅性聖人之教也

寡人一見遂不忍看其至

德如此被知亦如此昔在揚都有集十四卷值太清罹

亂百不一存及到江陵又有三卷即重遭軍火一字無

遺今之所撰止入魏已來爰洎皇代凡所著述合二十

卷分成兩帙附之後爾

按此及北史皆云文集二十卷惟隋書經籍志稱二十一卷集

中詩賦多雜梁時舊作疑是平陳後所得增多一卷且今所貽留亦非滕王故本大抵建業之文猶有存者而

江陵軍火無

遺一字矣 余與子山夙期款密

本傳滕趙諸王周旋款至知滕王與子山

其交最為  
欵密也

情均縞紵契比金蘭

左氏傳曰吳公子札聘於鄭見子產如舊相識

與之縞帶子產獻紵衣焉易繫辭曰二人同心其利斷金同心之言其臭如蘭

欲子製序聊命

翰札幸無愧色非有絢章方當貽範措紳懸諸日月焉

後漢書曰郭泰卒同志者乃共刻石立碑蔡邕為文既而謂涿郡盧植曰吾為碑銘多矣皆有慙德惟郭有道無愧色耳馬融論語注曰絢文貌司馬相如封禪書曰因雜措紳先生之畧術臣贊曰措赤白色紳大帶揚雄答劉歆書曰張伯松不誦雄之文然亦有以奇之曰是懸諸日月不刊之書也

庾子山集卷首下

謹案卷首上第十七頁後四行於芳林園賜錢帛  
各有差刊本園訛國今改

第二十五頁後一行總釐庶政刊本政訛改今改  
卷首下第十二頁後六行王粲登樓賦刊本粲訛  
燦今改

第十七頁前二行使于謹來攻刊本于訛於今改





總校官進士臣胡榮

校對官助教臣金學詩

謄錄監生臣江長鎰